

Broj: 01-30-1-573-1/22
Sarajevo : 28. 08. 2022

Na temelju člana 23. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05) i Pravilnika o unutarnjoj organizaciji Federalne direkcije robnih rezervi broj: 01-02-2-666/09 od 10.02.2009. godine, Pravilnika o izmjeni Pravilnika o unutarnjoj organizaciji broj:01-02-2-666-21/08 od 02.08.2010.godine,Pravilnika o izmjenama i dopunama Pravilnika o unutarnjoj organizaciji broj:01-02-2-666-26/08 od 20.06.2012.godine,Pravilnika o dopuni Pravilnika o unutarnjoj organizaciji broj: 01-02-2-666-21/08 od 30.07.2018.godine, direktor Federalne direkcije robnih rezervi objavljuje:

JAVNI OGLAS

za popunu upražnjenog radnog mjesta namještenika u Federalnoj direkciji robnih rezervi

1.Naziv radnog mjesta:

Vozač - Viši referent u Odjeljenju za pravne i opće poslove - jedan (1) izvršilac

2. Opis poslova radnog mjesta:

- obavlja poslove upravljanja službenim motornim vozilom,
- vodi računa o tehničkoj ispravnosti vozila, održavanju i čistoći,
- vodi propisane evidencije o vozilu i njegovoj upotrebi,
- obavlja službenu vožnju službenika i namještenika Federalne direkcije,
- obavlja poslove otpreme pošte,
- obavlja i druge poslove po nalogu neposrednog rukovodioca odjeljenja i direktora.

3. Opći i posebni uslovi za obavljanje poslova radnog mjesta:

Pored općih uslova predviđenih u članu 24. Zakona o namještenicima u organima državne službe u Federaciji Bosne i Hercegovine (državljanstvo BiH, punoljetstvo, opća zdravstvena sposobnost za obavljanje poslova radnog mjesta, vrsta i stepen školske spreme potrebne za obavljanje poslova radnog mjesta, da u posljednje dvije godine od dana objave Internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno BiH i da nije obuhvaćen članom IX. 1. Ustava BiH), kandidati trebaju ispunjavati i sljedeće posebne uslove, i to:

SSS – saobraćajna, tehnička škola ili gimnazija, položen vozački ispit „B“ kategorije i najmanje deset mjeseci radnog staža.

4. Spisak potrebnih dokumenata

1. Svojeručno potpisana prijava na Javni oglas sa kratkom biografijom, kontakt podacima (broj telefona i adresa stanovanja) i sa tačno navedenom dokumentacijom koju kandidat prilaže na Javni oglas,
2. Uvjerenje o državljanstvu (ne starije od šest mjeseci od datuma izdavanja)
3. Izvod iz matične knjige rođenih,
4. Uvjerenje ili diploma o završenoj školi,

Napomena: Neće se uzeti u razmatranje prijave kandidata koji kao dokaz o traženom obrazovanju dostave svjedodžbe o završenom I, II, III i IV razredu srednje škole, a uz navedene svjedodžbe ne dostave diplomu ili uvjerenje o završenom obrazovanju ili svjedodžbu o završenom obrazovanju.

5. Dokaz o radnom stažu nakon završene škole (potvrdu ili uvjerenje poslodavaca kod kojih je kandidat radio ili trenutno radi. Ukoliko se kao dokaz o stažu dostavlja potvrda poslodavca, potvrda mora sadržavati sljedeće podatke: - naziv i sjedište poslodavca, broj, datum i mjesto izdavanja potvrde, podatke o nazivu radnog mjesta, odnosno vrsti poslova koje je kandidat obavljao, obavezno naznačenu školsku spremu sa kojom je obavljao navedene poslove, period obavljanja poslova, potpis ovlaštenog lica i pečat. U slučaju da se takve potvrde ne mogu priložiti uz prijavu, kandidati mogu priložiti uvjerenje porezne ispostave ovjereno pečatom i potpisom nadležne ustanove u kojem su tačno naznačeni periodi prijave i odjave kandidata ili uvjerenje Zavoda za penzijsko i invalidsko osiguranje (PIO/MIO). Uz uvjerenje Zavoda za penzijsko i invalidsko osiguranje o podacima registrovanim u matičnoj evidenciji nadležne institucije obavezno je dostavljanje potvrde koja razjašnjava šifre zanimanja iz uvjerenja (listinga), tako da se može vidjeti sa kojom stručnom spremom je kandidat radio. Kao dokaz o radnom stažu neće se uzimati u razmatranje radna knjižica, pismo preporuke i ugovor o djelu.

6. Dokaz o položenom vozačkom ispitu „B“ kategorije,

7. Ovjerena izjava kandidata da nije obuhvaćen odredbom člankom IX. 1. Ustava BiH

8. Ovjerena izjava kandidata da u posljednje dvije godine od dana objave Javnog oglasa nije otpušten iz organa državne službe kao rezultat disciplinske kazne na bilo kojoj razini vlasti u Federaciji BiH, odnosno Bosni i Hercegovini.

Kandidati koji uz prijavu na Javni oglas kao dokaz o stručnoj spremi i radnom stažu dostave dokaz na osnovu kojeg se može utvrditi da posjeduju viši stepen stručne spreme od one koja je tražena Javnim oglasom, kao i dokaz o radnom stažu koji je stečen sa višim stepenom stručne spreme od one koja se traži Javnim oglasom, smatrat će se da u skladu sa Uredbom o izmjenama i dopunama Uredbe o dopunskim poslovima osnovne djelatnosti i poslovima pomoćne djelatnosti iz nadležnosti tijela državne službe koje obavljaju namještenici („Službene novine Federacije BiH“ broj: 65/20) ispunjavaju uslove koji se odnose na traženi nivo i vrstu školske odnosno stručne spreme i radni staž.

Sa kandidatima sa liste uspješnih kandidata obaviti će se intervju, nakon čega će se donijeti odluka o prijemu namještenika u radni odnos na neodređeno vrijeme.

Navedena dokumentacija uz prijavu dostavlja se u originalu ili ovjerenoj kopiji.

6. Rok trajanja javnog oglasa i adresa za podnošenje prijave:

Javni oglas ostaje otvoren **15 (petnaest)** dana od dana objavljivanja u dnevnim listovima „Večernji list“, „Dnevni avaz“ i „Dnevni list“.

Prijave na oglas sa dokazima o ispunjavanju uslova dostaviti u zatvorenoj koverti isključivo putem pošte, preporučeno na adresu:

*Federalna direkcija robnih rezervi
Antuna Branka Šimića broj 4, 71 000 Sarajevo
sa naznakom*

„Prijava na javni oglas za popunu radnog mjesta u Federalnoj direkciji robnih rezervi“
„NE OTVARATI“

Napomena:

Kandidat koji bude primljen u radni odnos podliježe obavezi probnog rada u trajanju od tri mjeseca. Izabrani kandidat će biti dužan dostaviti ljekarsko uvjerenje o zdravstvenoj sposobnosti i uvjerenje nadležnog suda da se ne vodi krivični postupak, prije preuzimanja dužnosti namještenika.

Nepotpune i neblagovremene prijave neće se uzeti u razmatranje.

